



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 9. Primislaus Rex Bohemiæ.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. *meaque strenue defendam. Ceterum mita-*  
 A. C. 1204. *to tibi pueros duos, quos literas lati-*  
*nas discere cives, & deinde ad me remit-*  
*tas; non enim habemus Grammaticos,*  
*qui nobis Epistolas tuas interpretari*  
*possint.*

## §. IX.

*Primislaus Rex Bohemice.**Ann. Silv.**c. 22 c. 24.**Dubrav. lib.**12. p. 84. id.**lib. 15. p. 119.*

Primislao quoque, inter Duces Bohe-  
 miae trigesimo, Innocentius Papa ti-  
 tulum honoremque Regium concessit,  
 quo jam duo antea potiti fuerant, nem-  
 pe Uratislaus Dux, numero vigesimus,  
 ab Henrico IV. Imperatore anno mille-  
 simo octogesimo sexto, & Ladislaus a  
 Friderico I. anno millesimo centesimo  
 quinquagesimo octavo coronati. At  
 Primislai successores exinde semper Re-  
 gia Dignitate fulserunt. Primislaus in  
 illis Germaniæ turbis, primo Philippi  
 Sueviæ partes amplexus fuerat, qui ut  
 magis eum sibi devinciret, eidem manu  
 sua coronam Regiam Moguntiae anno  
 millesimo centesimo nonagesimo nono  
 tradidit. Postea vero exortis inter am-  
 bos jurgis Primislaus Ottonem Saxo-  
 niæ secutus est; qua re permotus Papa  
 ei Titulum Regis confirmavit, Bulla Ro-  
 mæ die decima nona Aprilis anno mille-  
 simo ducentesimo quarto data, in qua  
 dicit: *Quamquam ante te plures Reges*

*7. ep. 42. ap.**Rainald.**1204. n. 55.*

in Bohemia fuerunt, nunquam tamen a Pontificibus Antecessoribus nostris Titulum Regis in literis ad se datis obtinere potuerunt. Nos eorumdem vestigiis insistentes, præterea indigne tulimus, quod coronari sustinueris a Philippo, Suevia Duce, etsi is ipse coronam ritu legitimo nunquam acceperit. Quia autem, monitis nostris obtemperans illo relicto, jam Ottonem Regem Romanorum sequeris, isque te ut Regem honorat, ipsius precibus damus, ut te deinceps cultu Regibus debito colamus, ea conditione, si non ingratus futurus sis, Et quantocius a Rege Ottone coronari petas.

Primislaus Papam rogauerat, ut aliquam Ecclesiam Metropolis Dignitate augetet in Bohemia, provincia ab Ecclesia Moguntina, cui suberat, nimis remota; hasque precès etiam Rex Hungariae commendauerat. Sed excusans se Papa dicebat; longam deliberationem exigere hoc negotium; inquirendum prius in necessitatem & voluntatem Ecclesiae, in qua Sedes Archiepiscopalis esset erigenda, atque etiam an in Bohemia Episcopi Suffraganei inveniri possent. Tandem consulendam esse Ecclesiam Moguntinam, ne Sigefridi Archiepiscopi jura læderentur, aut odium Clericorum civiumque magis in hunc Præsulem accenderetur.

C 5 di

Sæcul. XIII. di partes tuebatur Pontifex, Moguntia  
 A.C. 1204. autem, Philippo Suevo, adhærens, Leo-  
 poldum Archiepiscopum venerabatur.  
 Epistola Papæ vigesima prima Aprilis  
 data est.

## §. X.

*Rex Arragoniæ a Summo Pontifice  
 coronatur.*

*Indic. rer.* Major quam Principis Bulgariae & Du-  
*Arrag. to. 3.* cis Bohemiae in Sacram Sedem de-  
*Hisp. ill. p. 61* votio fuit Petri II. Regis Arragoniae, qui  
 ipse Romam iter suscepit, ut ab Innocen-  
 tio Papa coronaretur. Is cum ex Pro-  
 vencia \* solvisset, habens quinque trire-  
 mes, Genuam appulit, indeque die o-  
 ctava Novembris anno millesimo du-  
 centesimo quarto in quamdam Insulam,  
 inter Portum & Ostiam sitam, pervenit.  
 Regem Archiepiscopus Arelatensis, Præ-  
 positus Magalonensis, pluresque viri Ec-  
 clesiastici, generis nobilitate & doctrina  
 insignes, ac etiam multi Optimates co-  
 mitabantur. Papa vero tanto hospiti  
 ducentos prope equos, asinosve clitella-  
 rios, misit in itineris subsidium usque  
 ad Ecclesiam S. Petri, Cardinales quo-  
 que aliquot, Senatorem Romanum, plu-  
 resque alios viros nobiles delegavit, qui  
 venientem exciperent, ac in domum Ca-  
 nonicorum S. Petri honorifice deduce-  
 rent.

*6. ep. epist.*  
*Innoc. 229.*  
*ap. Rainald.*  
*1204. n. 71.*  
*Gest. Innoc.*  
*n. 120.*  
*Duchesn. to.*  
*4. p. 808*